

憺

園

文

集

大司寇健菴徐公文集三十六卷其長君侍御排
纂成帙而屬余序者也余嘗謂辭章之學自聖
賢視之藝焉云耳而其所以能名當世垂不朽者
良非苟然大抵其道有二曰植根曰致用今夫讀
書所以植根也多讀書則能明理能明理則識高
理明而識高則其為文也縱橫出之無不如意是
即昌黎根茂膏沃之說也顧世儒矜博沙者多窒
塞而不能運而工文之士或病於空疎才如廬陵
猶有不多讀書之誚矧下此者乎至施之於用則
視乎其遇焉阨而在下其施於用者小達而在上

則施於用者大學士大夫之論每以文章獲見用於朝廷人備顧問出效編摩爲極盛之榮遇固已顧唐之蘇許公張燕公宋之晏元獻楊大年之流稱是選者代不數人豈才僅此數人乎才者或詘於遇而際其遇者不必才兩相左也獨健菴徐公不然公家富藏書插架充棟幾與四庫崇文相埒又篤嗜學少壯迨老無一日釋卷自六藝子史百家之書靡不貫穿其發而爲文雄贍典則學大而才足運之故能以文章受

今上知遇每泰

詔有所譔著奏上未嘗不稱善凡朝章國故之鉅
郊廟禮樂制度之沿革廷議紛拏必折衷於公而
公隨事討論援古據今上下千百年瞭如指紋今
載集中奏疏考辯議說之類是也又以其餘露西
海內一時元夫巨公與夫琳宮梵宇之碑版爭欲
得公言爲重蓋公之於文其蘊植也厚矣其致用
也弘矣可謂兩得之者也公著述極博文集之外
有讀禮通考一百廿卷又有外集若干卷奉

詔纂輯諸書不在是嗚呼文章至於公亦盛矣哉
公崑山人故學老或稱玉峰先生云康熙丁丑中

春下澣商丘宋犇序

懋園文集卷第一

賦

溫泉賦

古者詞賦之作所以鋪揚鴻業詠歌盛治然竊怪
相如子雲之徒侈陳羽獵組織雖工於主德奚裨
焉夫帝王之至德要道無逾於孝曾子曰孝者置
之而塞乎天地施之而橫乎四海大哉其言之也
臣備負史館伏見我

皇上奉事

兩宮先意承志聽微察渺可與虞舜姬文比烈矣

湯泉之幸親承 懿旨 鑾輿所過宜有紀載私
恐世儒不察竟以上林長揚之事相爲比擬殊失
厥旨不揣舛陋敬摭蕪詞著爲斯賦雖未足仰贊
高深亦庶幾矢報涓埃云爾賦曰

皇帝御極十有 載庶徵協應羣生畢遂鴻雁來
賓之候律中南呂之月霜清東野斗指北闕雲旣
淨而天高潦將收而水潔

天子於是坐總章戒臣工宣

慈仁之懿旨問溫井於無終乃駕鑾輿輅載龍旂千
乘雷動萬騎雲馳石鎧犀衣之士連七萃而霧卷

珠旃日羽之兵亘五營以星移斯時也旭日霽野
慶雲靄天飛廉兩師灑道驅煙宓妃羸女奔走後
先玉帳開而秋野春寶炬列而暮川曙香生槍壘
之間綵繞杉榆之樹龍驤過砂磧如霜鳳鳥銜晚
花帶露爰是宸襟遠覽睿賞遐開弔燕昭之故塚
軼黃金之舊臺過薊丘而思昌國倚枯樹而念羊
哀探黍谷兮吹郢律經督亢兮爰泰灰雍伯之里
種田皆玉漁陽之邨弄鼓如雷此則虞巡之所未
至周畋之難以比徽者也然而

聖心維則意切承歡慈宮在路出入盤桓遇崎嶇

則親扶雕輦奉甘旨則手進珠盤見玉色之愈和
必柔聲而問安欲坤貞之常豫假神漢以除煩誠
孝思之不匱非往代之遊觀故吉行而徐進爰駐
蹕於溫泉夫溫泉者爲域中之珍瑞亦天地之神
靈白巖上徹丹砂不沈非神鼎而長沸異龍池而
獨深五雲之漿比潤三危之露同清控湯谷於瀛
洲濯日月於中營谷神不死川德彌盈滯腸灑胃
深精雪神醴泉消疾聞乎建武之世神水蠲痼不
數咸康之辰誠一沐而再浴延永算於千齡於焉
停仙蹕泣行宮樓枕嶺而倒影殿當川而抱虹長

墉踞於鄆塞列岫插於鴻濛閉邃而寒暑隔昭曉
而雲霧通繡帷四幕層城九重水澹澹而岸花紫
煙微微而野樹紅翔文鷁於波而聽吟龍於水中
五女乘車而進輓神人酌水而擎鍾已溫和之悅
體自煩寃之去胸 慈躬豫安 皇情愉悅乃講
蒐苗肆羽獵竟極之罟張垂天之網設虎落三峻
崇山作碣圍經百里羽林羅列馳朱汗之馬校黃
金之埒紫燕晨風紅陽飛鵲凡有名駒無不騰躍
爲之擢荷天之劍彎落月之弓金甲霜明於曠野
虹旗電掣於長空羽毛揚奮九天絳獵火然而千

山紅乃有參伐之精負嵎林莽暗鳴哮嚙摩牙砥
掌川谷嘯而風生林巒聞而震蕩

天子爲之彎琯弓揮玉戩刃若星流鏃如電駛南
山白額應弦而斃谷振千羣山呼萬歲謂聖武如我
皇豈疇曩所能逮然後登九霄之臺宴八紘之圃
管鳴而嬌鳥不飛簞拂而輕花自舞五蹄仁獸以
扶輪九翼威禽以節鼓是皆

聖孝之禎祥宜受昊蒼之福祐 乘輿旋返傾都
聚觀歡聲振地香塵漲天散貔貅之萬騎聚鸛鷺
之千官

皇上方且心存得一學務函三問寢龍樓視膳御筵推孝思之不匱弘錫類於治安合萬國之歡心極尊養之多端以河海爲衽席脯麟鳳爲醴甘彼夫夏后兩龍載驅璿臺之上周王八駿如舞瑤池之前豈足以比休聖世齊歷大年已哉

聖駕時巡賦

并序

恭惟我

皇上堯兢舜業宵旰時幾運不息於乾樞應無疆於坤軸煥乎文思赫斯武怒敷天率土輦賁航琛裕業登於淳古世胥躋於仁壽猶恐郊圻之外幽

隱之區黔首有不得其所者將親拊循之於是舉
正望秩之禮式遵時邁之文損益舊章畢應經義
羽林虎賁簡發省約句陳將啟渙號肆赦已逋給
復湛恩布濩乃遣祠官備物典冊懷柔百神翠華
所至始於東岳岱宗爰及鍾山明太祖陵還過先
聖之鄉皆躬致祭焉經塗幾於萬里往來曾不踰
時供張弗煩有司芻蕘罔費百姓市無遷肆穰不
輟耕恤惠留問疾苦過殘墨顯廉能觀民設教省
方之義備矣自虞周以來三千餘年復見今日微
臣預載筆之末敢忘盛治之形容哉謹上

聖駕時巡賦一篇

惟二十有三年秋九月

天子時巡於東禮也

帝德廣運壹體遐邇靈旗旣偃威弧旣弛鯨溟啓
而我疆兮卉島來其侍子廼奇祥異瑞之潯臻兮
何茅黍鰈鷁之足紀

聖人端拱京邑翼翼奉三無私建五有極協恭同
敬守官遵職府事已底於歌敘兮聽覽猶勤於朝
昃將采風而觀民兮必展義而布德若稽虞典載
陳周詩司南行漏權輿震維職方先戒於修守兮

太卜習吉以告期玉輅徐動夫清塵兮金雞蚤降
夫紫泥從官咸精騎而輕行兮綠道每紆軫而解
駢也於是天行雲轉風清日麗山祇傳警水后稱
蹕桂桓再重貔貅七萃問土訓九州之圖考誦訓
上古之事後旒方動乎畿甸前旗已屆乎齊地華
注蠹其削成灤源激其感沸抵介邱而遂上步玉
趾而屏鑾轡笑八駿之無庸嗟四載之已瘁脩禮
秩於視公陳祝冊而非祕爾乃訪謠俗就高年靡
幽弗耀靡隱弗宣進秀民而誘之嚮學兮召農畯
而課之力田加慶讓於司牧釋沈鬱於八埏星旆

曉移雲罕晝遷笳吹引路鑾音隱阡香稼岐穗而
夾輪兮朱實交柯而承蓋睇萬井之生煙兮眺千
岑之凝靄屬車無聲而肅肅吉士從游而藹藹或
來歌而載賡以中孚而交泰也

天子顧侍從而言曰翕河長瀆肇自皇初灑沈澹
災相協厥居群臣拜手稽首曰都禹之明德其遠
矣乎

天子神聖續禹之謨爾乃親循版築周覽厮渠叶
潤下於洪範兮瞻德水之歸墟桃花泛而無害兮
竹箭疾而何虞 皇情豫以繾綣兮 天眷切以

躊躇陋漢帝之負薪勞使者於河隄圖有蘭葉之
瑞歌非瓠子之悲信安瀾之在望知錫圭之有時
然且疇咨水利民隱是恤覩淮南之巨浸訪海陵
之陳迹五湖積潦而橫流六港淤沙而久塞匪疏
濬以爲功恐畎澮之莫洩將命冬官博謀長策
庀器鳩工不愆於日俾慎思以圖終期一勞而永
逸於斯時也降輦御舟維梢鼓枻萬乘飛渡六龍
迅掣祥飈送颿宸衷怡悅詢并絡之濫觴念導
江之往轍升盤蠟兮設旌命戈船兮成列指南徐
之睥睨俄北固兮巖嶮昔者山頭匹練直視吳門

扶絕尚薄耶縣河汾棄短錄長最善居巢夾淦幸
微言之未墜屬往蹟之具存遭遇聖朝濫叨館
職翱翔禮義之囿游泳翰墨之林循分慚惶荷
恩深重無能發揮鴻業潤色皇猷愧戴憑之
解經慕吳兢之習史敬承寵諭羣策禁廷授
簡命題鳧藻踊躍謹拜手稽首而爲之賦
粵至德與要道必有經而有緯賸秦火之未亡緊
燁赫以斐亶羅千聖之芳徽紛百王之懿軌星辰
燦而二曜明江湖流而五岳峙宛璣正而衡平亦
風馳而電駛唯兩儀之開闢闡物象兮有此儒者

斷斷專門有師或稱折角或號解頤或綜象數而
索隱或引讖緯以騁奇探名物之紛蹟恣辯博兮
陸離彼不言之深意夫孰究其精微至於記動記
言左右是司編年紀傳殊塗同歸顧邱明之體例
尚浮夸而有些矧馬班之遞降能不見其瑕疵是
以詩分於齊魯韓毛易亂於京房費直春秋雜何
休而怪迂周官遇劉歆而襍積尚書拾燼於伏生
古文造端於梅賾殘簡遺編經之軼軻駘駘也沈
約之奇說近誣魏收之穢史失實劉昫以汎濫貽
譏宋祁以雕鏤蒙摘脫脫繁而易訛潛溪病其期

邇世遠才難史之紛紜窒塞也然而古人治河以
禹貢斷獄以春秋占天時以豳風之七月察地利
以職方之九州觀象玩辭玉門所演化民成俗曲
臺爲優爾雅則詩書訓詁孝經實曾孔源流或讀
孟子而文章益進或得論語而治平可收緬蔡邕之
刻石至孟蜀而增鏤歷五厄而未燼亘千劫兮仍
留雖逾遠而彌耀信邁跡於前修良史之材列國
之書楚有倚相晉有董狐龍門捃拾與古爲徒有
惡不隱有美不虛整齊慎覈扶風是須綴文東觀
上下馳驅綜元會之甲子在治忽以儆予披醇夫

之唐鑑雖金鏡亦弗如涑水詳其事實資上治於
康衢新安挈其綱領儼筆削之規模彼鄱陽與浚
儀亦蒐討其無餘苟閱覽而靡倦實敷政之要樞
故夫負古經與史一後代史與經異啓妙理於珠
囊探舊聞於金匱本立則用神道隆則文蔚瀾漫
何涯彌綸無際遙遙千古燭照數計足以範圍造
化之機囊括宇宙之事非徒洋溢乎詞章鋪揚乎
文義況乎

聖人在宥垂拱當陽

盛德邁五帝

至道埒三

皇一言而大經立一舉而信史彰是以

湛恩汪

減周浹遐荒禮興刑措萬姓樂康俗已登於熙皞
治已泰於皇唐乃猶體乾而不息贊益而無疆挾
苞符之奧發甲乙之藏晨披鉛槧夕擁縹緗歎無
前兮 偉烈豈索索兮能量於時挾書簪筆濟濟
鏘鏘窮原竟委日就月將竭微誠於葵藿矢特達
於圭璋敢云稽古之榮遇著作之輝光已哉

西山賦

并序

今

上御極十有一年萬國咸寧聲教四訖川嶽效職
百神納貺芸生品物各得其所我

皇上膺累洽之運宣重光之德緝熙執競孜孜圖治萬幾之暇嚮意文學於以揚厲風雅潤色弘業猗與休哉小臣職在載筆得雍容屬車之下爰竭愚陋作西山賦一篇以獻其辭曰

粵魏都之鼎建資作鎮以表疆環宅中以閎偉應形勝而光昌猗茲山之秀傑允卓犖乎冀方翊神京而成奧衍控險阨而帶康莊乘允隅以定位鍾王氣而克當比中州之伊闕方雍土之華陽夫其橫據居庸之塞直接太行之尾天壽嶠崿乎其前芳湖渟毓乎其趾蜿蜒縣亘絡繹斐亹若若亭亭奕奕

暉暉或竦或峙乍立乍起皴判淺深勢區俯企時
巖業而崩劣旋盤礴而徙倚互日月而蔽虧受煙
雲而搖曳融怡容與坦迤迢遞周以流水間以疏
泉澄泓澹蕩縈繞洄漩瑳白石之齒齒沫玉乳之
涓涓澆潯吞吐於谿谷硤礚全涌於巉巖盤磴欹
傾而造嶺飛梁跨越而橫川則有珍禽異獸詭狀
奇族毛羽繽紛齒革歷錄鵠鵲鴛鴦猿鼯麋鹿黃
鳥飛鳴雌雉飲啄啁嘈格磔之音狡獪奔騰之足
虬枝松柏鳳林梧篠棗漆蒙密栝栢窅窅芍藥敷
榮丁香繚繞春杏逞姿而靚粧秋楓排錦而高燒

殆難究其彙儔曾易殫夫名貌若夫梵刹之盛金
碧崇觀丹樓霞蔚紺殿雲寒飾雕鏤以彩畫錯珊
瑚與木難耀棟榱而爍爍綴簾櫳之珊珊慨承平
之物力撫陳迹以廻環睇碧雲之縹緲過香岫而
流連瞻來青之題額緬翰墨之永傳更遠懷於往
古摩蘚碣之殘篇記金遼之軼事指雙塔其宛然
至於勝國諸陵邱墟莽互銷沈華表之陰滅沒冬
青之路玉魚帝子之宮金椀茂園之墓吟禾黍之
風詩鑒興亡之有故洵矣壯哉靈宅隩區我
皇顧之其樂只且風物繁華氣象麗都樵牧冠蓋

今也輦下嵩呼俟我

至尊九華明燭百和然薰綵旃錦幄載路填闐
威顏咫尺清問下民顧蓋藏之實寡兮惟故俗之
未新何土風之靡靡兮致

天語之諄諄留信宿而廼發兮沐千載之殊恩由
朱方次曲阿兮歷連岡與高原見舊京之城闕幸
前代之陵園樵蘇往而不禁寢殿歸然獨存

天子曰咨有司之過繫元綱之既頽自匹夫而有
天下不階成旅雜用王霸流澤旣竭遷殷革夏弓
劍猶藏灑埽屋社吉蠲爲饕精意奠聿懿矣夫

至聖之仁覆洵千聖百王之足跼也然後揚舠振柁
還轅結軌問嶧山經泗水憩闕里脩典祀想龍蹲
兮如在識馬鬣兮於此遡圖書之亮章實孔繇之
立制惟弘業之映輝歷元精而孚契灑奎藻之
洋洋與卿雲而並麗儼對越乎兩楹加頒賜乎四
氏秩元公以嬋素王述明光而追統紀可以知先
聖後聖百世一揆者矣於是葭灰飛琯適當中冬
千乘廻薄萬騎從容 法駕言旋起居

兩宮臨軒穆穆問寢雖雖爰申戒乎百司蠲疵癘
以興庸已布德而徧德即康功與田功斯萬民之

所以咸和而萬國之所以來同者乎敢作頌曰一
景運四葉憲章時巡無射應候農隙是因天行順
動煦然皆春天光回照朗乎徹陰省成守課勞問
農畝興言禹功率彼河濬江表望幸往恤其情離
離故都黍長石城峨峨日觀觸石出雲英雄逐鹿
聖哲獲麟昭谷靈貺薦裸享禋錫我福極協于神
人皇矣天保恭己撫辰不敢暇逸出爲民勤陋彼
封禪七十二君

經史賦

并序

臣聞文章者貫道之器而經史者載道之編庖犧

受圖改結繩之制軒轅握鏡立史皇之書遂乃墳
典縱橫浩如淵海邱索殽列炳若星雲循蜚䟽仡
之葳蕤巾机槃孟之燦爛滎河綠字文煥唐虞闕
里赤書道存冰泗巍巍蕩蕩無得而稱郁郁紛紛
於斯爲盛漢購遺書而後傳經始有專家周藏柱
下以還載筆長爲要職破冢壞壁留竹簡之遺紳
匱緘滕極牙籤之富允矣祖述憲章之畢備奚啻
格人元龜之是謀經以爲經兼綜道術史以爲緯
雅擅事辭天人之際備矣帝王之用該矣王鄭標
註至賈孔而扶藩遷固研精迄歐陽而入室表微

肩摩車驅遊子如雲而萃止行人眺聽而踟躕伊
天作之有自固指顧之憑依覽山河於襟袖識眷
顧之在斯宜我

皇之高望更穆爾而遠思紹謨烈於文武享景福
於神祇升陟識德授簡稱詩乃爲頌曰倬彼西
山崇岡巨阜百里京師帝垣左右紫氣常新地靈
單厚鬱鬱蒸蒸離離黜黜於萬斯年受天純祐

南苑賦

當燕薊之舊域兮散箕尾之光燭倚雄關以北鎮
兮撫中夏以南矚嚴黃圖之千雉兮乃臨制乎九

服闕離明之高闕兮注神甸之區隩環沃野之曠
朗兮起禁林之森肅較靈囿以脩廣兮列周垣以
相屬俯神臯之列繡兮聳諸嶂之巔屹地允稱於
上苑園實異乎南山狹宜春與御宿失鳩鵲與露
寒包涇渭之陸海吞雲夢之極觀其爲水也布濩
漫汗灝灝潢潢或碕岬以交流或長陂之亘上緬
濠梁之勝情聆滄浪之高唱其上則有文梁跨渚
磴道盤空極礪礪之奇製集班輸之巧工脩塗亘
其西北交流經乎西東其在陸也周廬列以成衛
馳道平而如掌清室窈其東啓彤軒翼而西敞張

大幕於長楸廣三巖之虎落萬戶則列於建章千
乘則容於平樂華闕雙邈旌門洞開金鋪交映玉
題相輝連雲階之清密窮月殿之縈迴抗中天以
結榭凌平地而爲臺其上則有西嶺遙青高標障
天隱鱗鬱嶂偃蹇連縣旣嵒嶙兮含霜復窈窕而
懸泉山輒呼乎萬歲水重合於千年咸陂陲以在
目似爭效於吾前爾其青松翠柏之植綠梨素柰
之林揚碧葉抗紫莖發紅華垂朱英布清樾以濯
露竦脩榦而捎雲旣芬芳以春敷亦蕭緘而秋零
於是騰猿飛獮狐攫伊尼沈牛麀麋赤首園題踰

絕梁援垂枝長嘯齊鳴遷延陸離或凌巒以超壑
或降阿而飲池以生以育棲息無時當是時也
天子方精思要道窮神邃古優游乎萬幾之庭翺
翔乎六藝之圃念虎臣於在泮覽干戚於雅舞稽
蒐獮乎往典飭車徒而講武於是使中黃之士賁
獲之徒七萃齊奮四校橫徂華蓋承辰天畢前驅
千屯雷動萬騎龍超旌旄竟野戈鋌塞塗

天子乃升玉輅約朱軹擁鳳蓋之琴麗鳴和鑾之
逶迤轉翡翠之歲綈靡明月之珠旗邁白水之游
泳軼黃涖之驅馳紹崆峒之芳躅采鎬洛之令儀

耀德則先王之禮省稼則豳風之詩於焉順時行
令而匪取乎游觀之嬉豈五柞長楊之足擬仁壽
醴泉之可儷者哉

頌

萬壽頌

并序

惟

聖皇御歷十有二年三月戊子屆萬壽節

臣聞

聖人之生華渚降靈瑤光毓瑞吐納陰陽之氣彈
厭山川之精於時道化滂流太和翔洽祥風應律
甘露零艸叶亭育於圓蓋婉厚載於方輿緬尋遐

代千載一揆我

皇道塞人神德侔天地乘六符而啟運統六合以
爲家爾乃北監辰極南覩太微值五百之昌期際
千秋之令序老人星見聖化神行秘瑞泉流嘉祥
雲合懷生戴祝率土含欣臣承風歡忭不勝舞蹈
謹拜手稽首而作頌曰

日月貞恒惟王克麗川嶽效珍惟帝受祉赫赫我
皇昊軒媽姒德茂始裳道冠初耜鳳屨承天龍旂
饗帝日角珠庭彤雲紫炁擬度乾行取則坤載兩
曜重輪四時等契手頓八紘親調六氣聖學無方

孝思不匱問寢深宮扶輪郊外愉色婉容先意承
志德心所感珍祥特起冀長蒲生鷄來鰈至視民
如傷使臣以禮欽允爲心寬仁御士止輦受言虛
懷納誨維木從繩若金須礪七校觀兵三推敬祀
我我講臣爰授之几濟濟多士或設之醴式崇節
儉用革浮靡晉焚雉頭漢衣弋綈以方今日曷足
云比存心萬幾游神六藝金冊瑤編丹書綠字靡
不覽觀深加研味 茅殿晨凝松軒夜紫甲觀蓬
山崆峒若咫尺似日方中如海何涘時叶青陽節逾
上巳電繞樞光星流虹水天生

聖人作民父母五老來廷四神游時梧桐始華菱荷初綺玉帛來朝珪璋齊會丹鳥呈祥白環供瑞水建千年山稱萬歲小臣作頌敢告史氏

元會頌

并序

國家受天休命奄有九有

列聖煦育垂三十載

皇上以神聖文武嗣無疆大歷服即位之初寓內大定仍指揮天戈征討不諛開祥牝靜賀蘭海水不飛烽驛罷警薄海內外悉臣悉主無有狐鳴犬吠之虞變容動色之慮乃橐弓戢矢焱逝武節示

天下無事凡德教之所曼羨禮樂之所覃敷渾淳
沕涌旁魄四塞邇者踵武遐者泳沫莫不欵關重
譯以王以享每元正朝會百官陪位殊方在廷
皇上親帥公卿以祇見於

兩宮承顏色盡孝敬隆天下養乃坐明堂傳臚句
大輅通天玉几佩舄鏘鏘濟濟謁者引贊萬年稱
觴物盛其容禮成而退皇哉唐哉車書之大同帝
者之上儀也緬稽往古紛綸歲時東都洛水之朝
未央甘泉之會未有殊尤絕跡炳靈懿鑠六合同
風九州共貫如今茲之盛者矣

臣某

學識謏陋幸

廁承明躬奉末光冀揚休德竊惟前世相如揚雄
窮極揚厲班固傳毅指敘典實臣某才技遠不逮
古不自度量目覩元會朝賀之極盛輒撰頌一
篇雖不足雍容鼓暘萬分之一取備

聖朝矇眊之獻其辭曰

兩儀烟煴大化權輿五德迭運於鑠唐虞南面垂
裳君都臣俞厥後闡繹隆盛攸殊或存正朔或分
閏餘凌轢章光孰踵其初赫赫我

祖龍見淵躍珠河鐵嶺聿基鎬亳虎螭六師以遏
亂略煌煌

太宗遂荒大東遵養時晦以俟其從

世祖拓基底定方夏雲蒸電燦更新肆赦涵煦潤澤以長以假十有八載昭格上下篤生吾

皇長發其祥星流華渚瑞感姚鄉狗齊生擅神靈夙彰訪道勤學日邁月將紹庭陟降緝熙有光恭己宸居覆被無疆興圖益廓聖武孔揚乃平鬱

島下狎江抵渠搜伏諸羗鼠竄道覆鯨翦奢香矢飛肅慎弓挂扶桑無雷杳杳浴日蒼蒼送質請吏緣梯浮航既告武功益脩文德政平刑措絲理髮櫛雍容禮意中和樂職滲漉滋生何知

三百廿八
帝力不下堂階九垓綏戢如露晞陽如星拱極矯
首蒼雲閭闔自闢月正元日逢吉丁辰攝提改紀
勾芒司春日升于觀天啓其門乃命掌故乃詔司
存乃序百官乃肅九賓

皇帝出房時屬晨興銅龍初啓金魄猶澄華燈庭
燎鳳管鸞聲率見

兩宮慈慶慈寧東朝嚴邃武帳端凝翟茀偕列掄
鞠斯承

天顏愉穆親奉徽音乃御太極爰進羣辟間平
諸王邸霍宗室列侯通侯天揖土揖或進鴈羔或

奉珪璧肅肅習習各以其秩四方計吏二公牧伯
獻質天闕歲事來辟魏魏栗栗各以其績期門羽
林欣飛執戟桎梏咸衛戈楯夾立力擬貔貅旗分
雲墨縱縱裔裔各以其色雕題鑿齒黃皮烏弋名
王侍子頓首屈膝來獻其琛白駒維繫紛紛籍籍
各自其國禮儀既備球贄交錯南則象齒文犀翠
羽菌鶴西則丹青白旄紕罽龍角其東蛟鼉利劍
鰐鰐魚支其北駒駼駃騠茲白星施

天子乃憑几而御七駕咸具歲蕤芝蓋晻靄雲輅
明月爲旌飛鳧綴羽受謁中庭退屏四廡太常奏

樂朱雁白麟百職奉觴玉笋醪醕百祿是何三壽
作朋協氣讎集休和旁蒸雲浮五色日宣重輪景
星晨燭寶甕宵零紫脫攢塔芝英駢生青鶴既兆
翠鳳來庭於是四岳諸臣三事大夫旅進之次抃
舞之餘皆曰陛下函蓋汪濊普徧無外車書混一
文物畢會塗山增盛艷宮滋暖狹鄙秦儀超軼漢
叢宜譜金繩宣玉牒勒琬碑緘蘭葉升中名山三
五比烈前世之登介邱禪梁父者不其慙乎而陛
下謙讓未遑何其約與然而

天子乃淵然依寧謐焉深處松雲棟牖倣切在予

及春戒寒將夏咨暑方且匹夫匹婦惟恐失所勒
銘繫存刀劍盤盂警誦工箴後史前巫肆夏以行
采齊是趨仁義爲圃樂禮爲車進群臣考制度昭
帝則歸王路分職授政旦朝至暮三元履端庶事
咸宣百官受成出震乘乾 聖德旁昭暘達九埏
上協璣衡下澤蛟螭明堂受賀於萬斯年

平蜀頌

并序

皇上撫馭萬方至仁大武閔西南一隅久罹兵革
元兇旣斃餘孽未平 諭諸將乘時翦滅所司芻
粟相繼不用命者以逗撓誅無赦師中莫不震警

惟賊恃有全蜀爲之障蔽悉師閬中以延朝夕之命

皇上遣重臣馳赴秦隴指授成畫督趣進師諸臣稽首聽命康熙十有九年正月庚子將軍臣良

棟以其師由龍安入經歷深阻遂抵成都一鏃不

遺降其醜類將軍

臣丹

臣進寶亦於是月癸卯以

其師由朝天關入賊衆鼠駭蟻潰遂克保寧擒賊

吳之茂等賊王屏藩窮蹙自縊露布以聞臣考之

前史樹功巴蜀如建武之定公孫當塗之降劉禪

江陵之平李勢神策之誅劉闢以及王全斌擒孟

昶傳友德廖永忠下明昇宿將謀臣用命宣力拯
橫流於方割撲燎火之已焚靡不摧鋒陷堅馳
電激未聞制勝 九重決策萬里指事有同符契
尅期不假著龜如我

皇上睿謨神算超出尋常者也 臣伏念有明末葉
兩川沸羹垂三十年王師底定瘡痍初起城邑蕭
然寇壘妖鋒重遭蹂躪幸仗

皇上仁育羣生義征不諛流亡者返故業塗炭者
獲更生扇以

皇風與之寧息人懷骨肉戶解倒懸固西土之荷

恩實普天之沾慶至於滇黔阻險逆孽逋誅揚
旆整戈指期殄滅吹迅風而埽墜葉回夏景以潰
春冰盪定之勲崇朝可竣微臣備負載筆舞躍歡
欣謹拜手稽首爲之頌曰

聖人踐阼咸覆寓內邛笮卉駘罔弗置吏惟十有
二年閔久鎮之勞使使往諭還之於朝滇惟首
禍拒命作逆旁煽他部競立壘壁羣頑踴譁弄兵
佐亂靈旗所指有萃斯渙畢來歸命

皇帝至仁曰毋染我鍔宥使更新所不赦原惟滇
禍首六師移之毋令滋久

天實震怒先奪其魄
魚鱉自踣猶道斧鉞
蠢茲孽童負固怙終
厥醜如醒叩駟相從

帝用奮武申戒於師
急擊勿失殄殲誓期
有覽蜀門以爲外戶
彼兇狡圖悉師我拒
睿謀神運錫命師中
我從間道戈舂其胸
我以一軍奪隘深入
前後却顧成擒可必
矯矯虎臣厲兵秣馬
伐鼓揚旌自天而下
七盤重關九折逆阪
分路疾驅衽席閣棧
我攻其右直趨錦官
我攻其左士皆翹關
錦官沃野杜魄所巢
洸兵雙流耆定崇朝
巴西之峽兇醜是肆
旣焚其巢納款相繼
俘斬厥魁外無妄

殺

皇帝有詔師稱弔伐提將之符稟成 廟謨驚惟
鷹揚肅將

天誅駕言徂征往取克豎振旅凱歌來復其所惟
此蜀功斷自

聖衷神鉦靈鞞駕霆鞭風惟彼蜀山道通武擔是
不一姓竊據其間誰非恃險恃險非壯先民有言
石角北嚮負恩千紀自求顛蹶奉若

天道聖武桓撥齊斧斯設威弧斯張匪棘匪徐撻
伐滇方共

帝之詔取其鯨鯢日闢百里至於滇池滇池既平
武功告成

帝曰休哉息民偃兵

平滇頌

并序

肇自

聖人首出握乾符俯坤軸函括寓縣車書混一海
內無事惟二三藩臣猶擁兵重鎮糜大司農金錢
歲鉅萬

皇帝欲以脫劍建橐加之恩禮賦杖杜勞還之詩
然後輯干歸馬賜租給復施近古未有之寬政以

三才集卷一
故俞諸鎮首邱之請使使宣慰皆還諸朝議事者難之

皇帝沈雄內斷藏往知來恐滋蔓之難圖期整勞而永逸嘉與祚嗣共保吉康何圖賊臣抗違朝命滇爲首逆二隅效尤爾乃宗賢授鉞宿將建牙肅將天威徂征厥罪

皇帝親授方略分道馳神殛鬼謀渠魁自斃蟻屯蜂聚跳梁傳會之徒送款通章絡繹而至閩粵諸路以次底平稜威遐厲埽蕩黔蜀於是黨與攜離脅從解散惟滇遺孽負隅嬰城我

皇赫怒責攻益急令諸將分道並進焚巢踣穴殲厥醜徒爰以康熙二十年冬十月進逼其城圍之數重逆孽吳世璠窮蹙雉經僞將郭壯圖自殺餘衆悉降滇南以平先是

至尊進二三大臣命之曰自軍興以來未忍加賦以重困元元顧一切用權宜集事予一人繹思未有攸濟惟欲永清耆定以無宿兵於三方夙夜弗遑於茲數稔今尚剋期戡定凡茲股肱心膂是究是圖具所以休養斯民者罔或後時至是捷書聞
皇帝祭告

孝陵

車駕還宮發政施仁示天下更始湛恩渥

澤與赫聲濯靈俱徧遠邇普天率土歌詠昇平匪直嵩谷之中方吹煖律昆池之上始消兵氣而已

臣

嘗逖覽載籍於古今治忽之故察其源流本末

蓋非沈幾不足以圖功非果斷不足以集業傳曰末大必折尾大不掉理勢所至可燭照數計唐時藩鎮根柢纏結雖以郭子儀李光弼李愬馬燧之徒分驚交馳究不能剷滅蕩滌禍且與唐終始此無他無大有爲之主恢謨遠算以作之於上也我國家創造六十餘年崇功顯烈永世克紹惟此三

孽蟠固南服

皇帝思久安長治之圖於以建威銷萌休養萬姓
成

世祖章皇帝未竟之緒命將征討七八年間諸叛
削平如吹檣葉版圖尺土罔不肅清自非廟謨
獨運制勝堂皇何以致此自今億萬斯年太平玉
燭詔秩宗審定典禮樂正宣播金石貞符存至
洪庥無疆臣之職司乃兼載筆竊以易言高宗伐
鬼方三年克之其在於詩則有殷武一篇宣王之
伐淮徐則雅有江漢常武唐憲宗平淮西不過一

州之地而韓碑柳雅萃然聳觀蓋當時臣子所爲
揚厲鋪宣以美盛德告成功者著之於經垂之於
史其揆一也臣不勝葵藿之忱謹作頌以獻凡十
有六章皆指事實錄以明彰

皇帝聰明睿知聖神文武邁古高宗宣王而又
如天之仁比隆堯舜非唐憲宗之儔所能望於以
流傳後嗣垂則無極其詞曰

惟

帝元祚文軌旣同盤江洱海版隸驛通填壓維藩
敢貪天功宿兵糜餉未復於農

假竊威靈張官置吏物產豐積潛爲姦利腹收貌

恭噢咻爲惠聖哲幾先幄帷謀秘

其二

宸衷獨運衆慮或殊宣厥旋歸寧棘母徐彼戢其
翼其究將舒寢謀則整革心則無

其三

幾不可需事不可狃養癰終潰其毒孔厚 天語

溫然恤其勞久有弗共命雷霆在後

其四

彼昏神昧恃力猖獗敢行稱亂干我黃鉞蠢爾狂

且聽彼誘脅一時蝟起姦宄草竊

其五

於赫 皇威整我禁旅攻車同馬震疊荆楚么麼

小蟲奮臂我拒我奪其壁深入其阻

其六

貫盈于鬣天奪其魄金魚檻獸技窮能索天監趣
罰畀于鬼伯裂肩分髀以俟刑磔其七

惟茲關隴惟茲邊庭惟茲百粵甌閩荆衡惟黔惟

蜀曰咸底平折首獲醜王師有征其六

王師有征殄彼凶豎曠曠滇方如闇斯曙如熱斯

濯如燠斯雨如渴斯漿如餒斯饅其九

四時代謝亦有金行民用五材誰能去兵

帝續武功既克告成武功告成

帝曰息民其十

息民伊何民力殫矣輸將孔勞惟師之以矧師所

處實多轉徙中田有棘不見秬秠

其一

帝曰施仁給復賜租斥關去禁養老字孤滌瑕洗垢咸在赦除登賢進良載廣厥途

其二

小大之吏必以廉善允釐百工各守爾典武功爵級不叅銓選貴遊執經論秀藝苑

其三

上功于

祖讓善于天精意薦馨都宮郊壇沈璧翕河以報

安瀾瘞玉岱巘戒乃侈談

其十

如天之仁覆幬八荒受福王母有慶元良鼎鉉一

德濟濟巖廊壽域日躋純固敦龐

其十五

三言三
猗歟醇風臻于刑措昔陳原野惟滇之故滇功既
奏天下大酺於昭頌聲來許垂裕
其十
六

樂章

令節樂章

四首

聖皇出宇內一提尺劍埽萬國

三后有成命我龍受之跋扈鳴張我肆伐底定之
自今以始萬億年金甌固玉燭光雍熙累洽示我
清行
其一

滇池既平天下永寧武成誕告洪鐘勒銘焜煌我
文章發揮我禮樂五典依韋八音揚摧元化亭毒

湛恩泥渥開先甲以咸熙原始合于朔

其二

於皇至德深仁大哉如天奕矣如神就之如日望
之如雲欽若翼翼濬哲云云戡亂以武圖治以文
攷攷齊政哀矜慎刑衆觀殄鯨鯢鑄鼎禦魑魅禋
宗秉琬琰王會貢璫瑁淑氣旁流珍祥四塞彬雅
總橫經含鼓遍鉏耒

其三

撫于五辰四時正嘉月陶陶令節慶海宇清和順
性命百昌繁彙靜雱榮旣燕且喜瑤池蓬萊君臣
旣醉酌彼金罍雝集綰綽百福來咨保泰介壽眉
魚麗鹿鳴賡和哉

其四

皇清御殿朝樂章

四首

皇清誕受命廼在大漠之北遼水陽真龍翔崑崙
瑞鳳集扶桑赫赫

太祖開天立極巍巍

太宗武功文德於昭

世祖奄有萬國我

皇承之帝申錫介禧通續緒以覲揚業業孜孜

其二

孜孜維何宵旰勤政懋學祇修廣淵齊聖則乾健
行繼離圓映誕光天之下罔不懷柔惟苞有三蘂
以爲子孫憂圖難于易大于細其匪斷弗克 廟

謨奕奕

其二

亂臣辜恩天所誅齋宮授斧羽林驅長蛇殄滅封
豕屠昆池瀾滄民嘔喁八垓四表煥以都洗兵萬
里旋荷爰興吐育秀又寰區赫聲崇濯靈布倬來
今振前古文景偃成康俯軼堯舜包文武謳吟敷
天慶率土彌億萬斯年綏厥祐

其三

肅雍黼辰臨御環紫宮披靈圖獲鴻寶穆穆垂拱
燭燔有耀閭闔闕天門夔虎翊

至尊千官稽首騰嵩呼雕白澤繪騶虞麗金鋪八
風從律五緯輸精紀昇平

其四

朝會樂章

六首

昊天景命我

皇受之玉歷啓圖雅琴賡詩勲華邁軌熙洽承基
允武允文法乾繼離

其一

天子穆穆羣工踴踴不愆于儀屏營恐惶龍章昭
煥升暉晨旭卿雲爛縵共繞黃屋

其二

疇官羽衛有翼有嚴螭頭天咫雉尾風恬千官稽
拜萬國具瞻是書象簡是插華簪

其三

光茲大化躡虞轡唐飈行浮竹聲馳扶桑驗風受
歸測海來王恢廓如甸度越姬疆

其四

五禮同文八音叶譜無懷持旌葛天撫鼓粉績隆
初輦輓振古夏矣皇哉五風十雨

其五

天地交泰一德日新鹿鳴載肄魚麗斯陳吁咈都
俞兢兢業業允升大猷洽此萬國

其六

元旦朝會樂章

四首

於爍我

皇兮廣淵齊聖經綸密勿兮廓清底定輯瑞兮凝
麻披圖兮集慶恍呼吸兮三靈亶均齊兮七政
睟容穆穆兮金相玉式光被四表兮儀型百職覃
化洽兮東西德施翔兮南北芝露兮垂階松雲兮

盈室

其二

維斗杓兮東指佩蒼玉兮始和設獸搏兮含元獻
辛盤兮承華三爵賜兮油油孔嘉拜稽首兮都俞
賡歌呼嵩高兮慶雲多

其三

太平有象兮陽德亨八風克諧兮泰階平銷兵萬
里兮日月晶融萬民樂兮九有清君緼瑟兮臣吹
笙於萬斯年兮麗瑤京

其四

上壽樂章

四首

聖帝御宇時乘六龍星流華渚雲冠高嵩萬國仰
和會兆民協時雍三靈扶北辰七緯聚天中

其一

敷佑四方景福孔膺如川之方至如日之肇升手握化源心齊明德歷萬億兮斯年與天地兮無極其二洗爵兮奠筯捧觴兮上壽舞馬登牀兮舍利緣雷其三驚鶯鳴郊兮騶虞在囿三祝華封兮普天稽首其四納昭融駢嘉祉朱草蕤蕤甘露瀰瀰我

皇樂而康我

皇熾而昌子子孫孫弗祿穰穰其四

平滇鼓吹樂章

七首

皇清定鼎萬億年四海攸同六服丕宣赤車集闕下碧弩充庭前殊方罔後至絕徼各爭先其一

蠢爾逆臣藏禍負固悖違我明詔倣擾我天步

廼弄兵抗拒在瀾滄之澣

其二

逆臣維何貙豕豺狼苞蘖滋蔓沸蜩吹塘以牽脅
諸鎮以騷動邊方我

皇赫怒廟謨神武命將出征哀茲虎旅百萬集荆
湘汜建旌旗耀壁壘礪戈矛備弓矢桓桓衆士駿
盡指一月三捷檻車四止

其三

深入其阻臨于城下巖巖鐵索關不攻而自開浩
浩昆池城不戰而自摧

其四

亂臣賊子天奪其魄旣伏冥誅復寸磔蚩尤肩髀

視狼藉敦峻頭顱墜菁密

其五

蕩滌滇黔活我人民花苗夾道舞蹲蹲山川重秀
天地寧關隴靖庸蜀清埽兩粵洗八閩寸土尺版
無不剗平飲至策勳捐租肆赦禮樂車書化成天
下歸馬華山陽放牛桃林野

其六

皇帝大聖極仁沈幾英斷擘劃楓宸風車雲馬如
雷如霆亦惟

二祖

一宗在天之靈太廟鑄鼎高山勒銘世世萬子孫
其儀型

其七

祖德詩

十章

茫茫穹壤禹畫九區疇其佐之大費是毗土功即
荒維帝曰俞阜旂玄玉畀之徐墟

自殷訖周歲嚴烝嘗吳爲鯨豕寔翦我邦胄維神
明統祀載揚謚德鼎鬲賚功節幢

民生在勤勤則不匱我祖朴斧鉏耒是肄人以禮
感躬以道植深漑弗獲廼施厥嗣

烈烈刑部爲時直臣殺人逢君豈曰事君拜杖不
死神聽于民伊德則舊伊德則新

于嗟交河衽人于溺繕劄籲天東南困棘忠爲友

市義因物激長此餘黎謳吟稼穡

維王大父遭廻詞館晚承厥辟同鄉斯踐僕臣咸
正駟房有爛退易進難矢茲剛侃

爰暨我父諒直且溫民或倍德已罔倍言婉婉母
氏古訓載敷耕仁耨讓廸予友弔

嗟予小子勤唉仔肩胡寧弗思或走而顛顧謂仲
子我季實賢在宮鼓鼓庶達于天

竹花實矣飼我鳳皇絳河輝矣歌我明良我喜而
舞季不易常先憂後樂夙夜以將

人亦有言基高維下豈伊溫飽鴛鸞可嚇祖德駿

茂寸陰莫假勗我瘳瘡效茲高駕

澹園文集卷第一